

臨安志卷第九

山川

城東諸山

臨平山

祥符經云去仁和縣舊治五十四里山高五十三丈周迴十八里九域志晉武帝時吳郡臨平山岸崩出一石鼓擊之無聲張華曰可取蜀桐刻作魚而扣之聲聞數里山上有塔有龍洞螭洞諸事具有天井在山之頂舊經云方闊約二丈積水深八尺雖旱未常涸下有東嶽廟景星觀峙立兩旁又有藕花洲卽鼎湖也蘇公軾舟過臨平次

淳祐臨安志卷九

一

杭人裴維甫韻餘杭門外葉飛秋尚記居人挽去舟一別臨平山下路五年雲夢澤南州淒涼楚地緣吾發邂逅秦淮爲子留寄謝西湖舊風月故應時許夢中游○蘇公軾雪霽過臨平邈師房會陳烈少府題詩云落帆古戍下積雪高如址強邀詩老出疎髯散颺颺僧房有宿火手足漸和柔靜士素寡言相對自忘憂銅鑪擢煙穗石鼎浮霜甌征夫念前路急鼓催行舟我行雖有程坐穩且復留大哉天地間此生得浮浮○僧道潛詩風蒲獵獵弄輕柔欲立蜻蜓不自由五月臨平山下路藕花無數滿汀洲○沈金部汝諧詩云山勢分明飲水鼉孤峯西轉鹽嵯峨不須探問山童藥且揖朝來多爽氣

桐扣山

在仁和臨平山之西因山岸出石鼓張華取蜀桐木刻作魚形而扣之聲聞數里故名之曰桐扣山

臯亭山

唐書地理志錢塘縣有臯亭山祥符經云今屬仁  
和縣在縣之東北二十里高百餘丈出雲則雨  
宣宗皇帝御書三字扁于華嚴寺之山腰有崇善  
靈慧王之祠名半山廟旁有水甕及桃花塢

青龍山

在臯亭山之東高七十餘丈山脊蒼翠偃曲如龍  
母山

在臯亭山東北約高一  
百餘丈比眾山獨高張翼  
左右如母顧子因以名之

淳祐臨安志卷九

二

佛日山

在母山之東北高六十餘丈中有古剎名佛慧東  
坡少游楊傑司馬才仲范石湖皆有留題

詳具佛  
慧寺

石膏山

太平寰宇記在錢塘縣舊治之西五十七里錢塘  
記云出石膏色若雪又縣治亥地有獄獄中產石  
膏雨霽時出藥用為最一名稽留山無毒獸惡蟲

太平寰  
宇記

黃鶴山

祥符經云在仁和縣舊治東北三十八里寰宇記

舊有黃鶴樓今佛日山之北是矣高約百餘丈巔有龍池一名渥洼北塢有龍洞石裂爲路深險不可視山之腰有黃鶴仙洞外甚狹中可容數人深杳而黑時有樵牧藝松明而入愈遠疑有龍在焉池出雲必雨又有潭在山之東故老相傳有詩云但看黃鶴山頂雲化作白龍潭上雨或謂參寥子作

### 超山

在仁和縣之東北六十里永和鄉高三十七丈周二十二里

### 亭市山

#### 淳祐臨安志卷九

三

郡國志云杭州亭市山餘石鄉亭市村人悉作大甕今謂之浙甕是此地所出太平寰宇記

### 龍珠山

在仁和縣肇元鄉五都高約六七丈形圓象珠與臯亭山黃鶴眾山相望一名巧山

### 泰山

在仁和縣南鮑山之北高約十五六丈山下有居民可三百戶名泰村

### 大旗山

在仁和縣黃鶴之北高約五十餘丈有青草塢山

下居民可二百戶名大旗村

南鮑山

在仁和縣南山之北高約十餘丈山下有村名南鮑

南山

在仁和縣大旗山之北高約四十餘丈東南與佛日山夾境有杜牧隴纍纍數塚世傳杜牧墓碑碣  
亡蹤

太婆山白巖山

在錢塘縣

淳祐臨安志卷九

四

方山

在錢塘縣崇化鄉高三十丈

金山

在錢塘縣孝女鄉高一十五丈周四里

苧山

在錢塘縣孝女南鄉高一十丈周迴五里

楊山

在錢塘縣孝女南鄉高二十丈周迴六里

唐墓山

在錢塘縣孝女南鄉高一十五丈周迴八里  
故老相傳

云昔有孝女唐醜娘年十二三母病篤因取肝救母病愈而醜娘以瘡口入風而亡里人美其孝故以唐墓名其山舊志作唐墓非也

近山

在錢塘縣靈芝鄉第四都高十丈周迴一里

大遮山烏尖山

在錢塘縣孝女北鄉接連餘杭縣及安吉州武康

縣界高三百丈

飲馬山

在錢塘縣高二十丈周迴二里

安樂山

淳祐臨安志卷九

五

在錢塘縣高三十丈周迴三里山上有石八郎祠

有山石壁山龍駒山法華山

在錢塘縣東至西堰橋西至欽賢鄉羣山連接約

高四十餘丈占十餘里

石壁山上有尊司土地

三峯山

在仁和縣北四十里東山高一十五丈周五里西

山高一十八丈周四里南山高一十二丈周一里

洛山

在仁和縣北四十四里高五十八丈周一十八里

峨眉山

城內亦有山曰峨眉

在仁和縣北七十里大雲鄉高一十八丈周六里  
烏頭山

在仁和縣肇元鄉青龍山之東高八十餘丈峯銳  
而秀

石姥山

在烏頭山之東高五十餘丈有嶺南接運河塘赤  
岸嶺之西有真珠塢少宰劉正夫葬此山

獨山

在仁和縣治之北大雲鄉約高數十丈晴出雲則  
雨雨出雲則晴里人占之屢驗下瞰橫溪回環皆

淳祐臨安志卷九

六

水蕩

赭山

舊圖經云在仁和舊治東北六十五里濱海產鹽  
有鹽場

馬嘯山

郡國志昔吳伐越至此山遇大風車破騎死有馬  
嘯呼求其主遂名之

太平寰宇記

金鵝山

郡國志此山鳴則縣出貴人上古防風氏嘗居此  
山下有風渚古鄭瞞國也

太平寰宇記

城內外諸嶺

八蟠嶺

在今大內之後

萬松嶺

舊圖經云在錢塘舊治正南到縣一十里嶺上夾道栽松白居易夜歸詩云萬株松樹青山上十里沙隄明月中翰林蘇公軾蠟梅詩亦有萬松嶺下黃千葉之句今在

大內之西皆為第宅居層壘巖積直至巔頂焉

鐵冶嶺

淳祐臨安志卷九

七

在城內步帥衙左虎翼營之東

紫坊嶺

在城內澆沙坑騏驥院教駿營之西七官宅側

駱駝嶺

在城內糧料院巷之南嶺下有市里人呼小灞頭

慈雲嶺

在方家峪於諸山嶺中最為峭崿傍為郊壇其內

實為鳳凰山之門戶捍蔽焉

尚書比部郎官楊黼詩云左右眄江湖游

人憇半途山高步步上何用嘆崎嶇○楊蟠詩落日愁飛兩雲中一線明西湖將盡處忽見大江橫○郭祥正詩峻極分南北見湖仍見江湖人倦登陟飛鳥自雙雙

風篁嶺

在錢塘門外放馬場西路通龍井祥符舊經云在錢塘舊治西南一十五里嶺巔最高峻元豐中僧辨才師淬治修篁怪石風韻蕭爽因名曰風篁蘇公軾嘗詣師師送至嶺上因舉遠公過虎溪事師笑曰杜子美不云乎與子成二老來往亦風流因作亭嶺上名曰過溪亦曰二老蘇公賦詩紀之又探梅詩有問訊風篁嶺下梅介亭詩有丹青明滅風篁嶺之句蘇公二老亭詩日月雙轉轂古今同一其惟此鶴骨老凜然不知秋去住兩無礙人天爭挽留去如龍出穴雷兩卷潭湫來如珠還浦魚鼈爭駢頭此生暫寄寓常恐名實浮

淳祐臨安志卷九

八

我比陶令愧師為遠公優送我還過溪溪水當逆流聊使此山人永記二老游大千在掌握盞有離別憂  
龍井

本名龍泓吳赤烏中葛洪鍊丹于此道西湖南山登風篁嶺澗泉泱泱與幽花野草延緣山磴更上嶺背巖壑林樾皆老蒼而西湖已蔽掩不見可見氣象愈清古巖骨稜瘦中涵一泓清澈翠映卽之淒然相傳有龍在焉觸石為雲禱者輒

應因建龍祠加以封號傍有亭曰德威亭舊云龍井

亭東坡過歸隱橋入壽聖院今為廣福院山有獅子



峯薩埵石餘具本院秦少游觀爲記米元章芾書日記

龍井舊名龍泓吳赤烏中方士葛洪曾煉丹于此  
事見圖記其地當西湖之西浙江之北風篁  
嶺之上實深山亂石之水泉也每歲旱禱雨於  
他祠不獲則禱于此有禱輒應故老相傳以爲  
有龍居之然泉者山之精氣所發也西湖深靚  
空闊納光景而涵煙霏菱芡荷花之所附麗龜  
魚鳥蟲之所依憑漫衍而不可言盡也故岸湖之  
晴之中各有奇態而不克以爲泉浙江介於吳越  
山多爲所誘而不克以爲泉浙江介於吳越之  
間一畫一夜濤頭自海而上者再疾擊而遠馳  
兇虎駭而風雨作過者摧當者壞乘高而望之  
使人毛髮盡立心掉而不禁故岸江之山多爲  
所脅而不暇以爲泉惟此地蟠幽而踞阻內無  
靡麗之誘以散越其精外無豪捍之脅以虧疎  
其氣故嶺之左右大率多泉龍井其尤者也夫  
蓄之深者發之遠其養也不苟則其施也無窮  
龍井之德蓋有至于道者則其爲神物之託也  
亦奚疑哉元豐二年辨才法師元靜自天竺謝

淳祐臨安志卷九 九

講事退休于此山之壽聖院院去龍井一里凡  
山中之人有事于錢塘與游客之將至壽聖者  
皆取道井旁法師乃卽其處爲亭又率其徒以  
浮屠法環而呪之庶幾有慰夫所謂龍者俄有  
大魚自泉中躍出觀者異焉然後知井之有龍  
不謬而其名由此益大間余是歲自淮南如越  
省親過錢塘訪法師于山中法師策杖送余于  
風篁嶺上指龍井曰此泉之德至矣美如西湖  
不能淫之使遷壯如湖江不能威之使屈受天  
地之中資陰陽之和以養其源推其緒餘以澤  
於萬物雖古有道之士又何以加于此蓋爲我  
記之余曰唯三年八月日高郵秦觀記○秦少  
游題名○元豐二年秋後一日余自吳興道杭  
東還會稽龍井有辨才大師以書邀余入山比  
出郭日夕航湖至普寧遇道人參寥問龍井  
所遣籃輿則曰以不時至去矣是夕天宇開霽  
林間月明可數毫髮遂棄舟從參寥杖策並湖  
而行出雷峯度南屏擢足于慧因澗入靈石塢  
得支逕上風篁嶺憇于龍井亭酌泉投石而飲  
之自普寧凡經佛寺十五皆寂不聞人聲道傍

廬舍或燈火隱顯草木深鬱流水激激悲鳴殆  
非人間之境行二鼓矣始至壽聖院謁辨才于  
潮音堂明日乃還高郵秦觀題○坡仙至錢塘  
特與辨才師為世外交師歸老龍井坡為作二  
老亭詩一時名勝多與之游瑰詞藻翰衣被泉  
石至今枯槎斷壁閒奕奕飛動獨少游記文得  
元章書二妙相輝宜耀不朽而寺失其傳好事  
者閱然不滿紹定己丑得真蹟于戶書胡公觀  
印以他米書不謬每念鑿之寺中以苴放軼一  
日語京尹趙公公斂衽曰前賢之勝韻不續實  
遺吾邦蓋寺於何有亟訪堅珉刻之且捐錢百  
萬畀住山宗炳建樓植鐘新緇宇之弊于是龍  
井之勝若前賢之嫩如創見然余每愛少游支  
筇步月敲辨才門夜半清語殆非人間今留  
題中寫澗谷經行登危憩寂之境衝烟破暝之  
態溪潺湲林影斷續隱見雖善畫不能及題識猶  
爾况記乎雖然微尹公好古博雅則斯記未必  
遇雖遇未必遽赫然在人目余幸記之遇顯之  
速也於是借石尺書其顛末紹定辛  
卯三月望日四明鄭清之文叔跋

淳祐臨安志卷九

十

分金嶺

在錢塘縣舊治西南到縣六十里

滕村嶺

在錢塘縣舊治西南到縣五十里

青木嶺

在錢塘縣舊治之西到縣四十里

狗頭嶺

在錢塘縣舊治之北到縣五十里

五嶺

在龍山之北

徐村嶺

一名薑  
擦子嶺

在錢塘縣定山北鄉

白塔嶺

在錢塘縣龍山之東

礮馬嶺

在錢塘縣定山北鄉

牛坊嶺

在錢塘縣定山北鄉

牌山嶺

在錢塘縣定山南鄉

淳祐臨安志卷九

十一

大麥嶺

祥符經云在錢塘舊治西南到縣一十五里今與步司右軍寨相連路通放馬場舊多種麥因以名焉葛之義非嶺之巔有觀音閣對山有蘇軾王渝楊傑張塽元祐五年三月二日同遊三竺過麥嶺題名刻石

葛嶺

祥符經云錢塘縣舊治之西到縣一十里葛仙翁嘗鍊丹于此今有上清宮按傳收古蹟事實寶雲寺庵之頂有初陽臺寺西仙翁往來之處又謂之

葛嶺嶺有毳巖在禪宗院山內

棲霞嶺一名劍門嶺一名劍門關

在錢塘門外蘇隄顯明院之北舊多桃花開時如蒸霞故以棲霞日之嶺下有岳鄂王飛墓過嶺通掃帚塢

駝巘嶺舊志作駝苑嶺在錢塘縣舊治西十里今在九里松之東

臙脂嶺

在九里松麴院路之西土色獨紅因以名之路不險峻過嶺則通大小麥嶺

石人嶺一名馮公嶺

在靈隱寺之西路有石人臥于側故名嶺極高峻

清祐臨安志卷九 三

過嶺則通西溪

東墓嶺

在靈隱寺之西去城二十餘里路極險峻

大青嶺

在東墓嶺之南

郎當嶺

在大青嶺之南

黃泥嶺

在行春橋水竹塢步司前軍寨之南

歌樵嶺

在錢塘縣大慈山塢按傳收錢塘勝景事實云歌

樵嶺在祖塔左右祖塔乃法雲院楊蟠詩云衣冠

仁義少敢忽嶺邊人亦恐修榮

### 石姥嶺

在仁和肇元鄉高五十餘丈

### 灌肺嶺狗兒嶺

在中瓦南大街及教睦坊北舊有坡阜因以為名

### 諸洞

### 青衣洞

在城內三茅觀後故老相傳昔人行至洞口有青

瀉祐臨安志卷九

三

衣童子問之不應良久入洞逐之不見聞風雨之

聲毛髮悚慄而出

### 羅漢洞

在勅令所北舊有金文院壘石為洞塑羅漢於其

中後為酒庫洞廢名存

### 金星洞

在正覺院後洞中生金星草因此得名政和中廢入神霄宮

### 風水洞一名恩德洞

祥符經云錢塘縣舊治五十里在楊村慈嚴院洞

極大流水不竭頂上又有一洞過立夏清風即自

內出立秋則止故名風水洞洞內石子各有紅點

如丹持出即隱置於內復然此其異也

本朝名賢題詠 林公逋云平昔常聞風水洞重山

下先聞接客鐘 趙公抃云風穴有聲連水洞聽

風觀水暫閑身 杭州未入從容甚且與南山作主

人○蘇公軾詩并序往富陽新城李節推先行三

日留風水洞見待云春山磔磔鳴春禽此間不可

無我吟路長漫漫傍江浦此間不可無君語金鯽

池邊不見君追君直過定山村路人皆言君未遠

騎馬少年清且婉風岩水穴舊聞名只隔山溪夜

不行溪橋曉溜浮梅萼知君繫馬巖花落出行三

日尚透遲妻奴怪罵歸何時世上小兒誇疾走如

君相待今安有○又和李節推二首云山前乳水

洗塵凡山上清風檜舞杉細細龍鱗鋪亂石團團

羊角轉空岩馮夷窟宅非梁棟御寇車與謝轡街

世事漸堅吾欲去永隨二子脫譏譏○風轉鳴空

穴泉幽瀉石門虛心聞地籟妄意覓桃源過客詩

淳祐臨安志卷九

古

難好居僧語不繁歸瓶得冰雪清冷慰文園○右

丞蘇公轍和子瞻題風水洞詩云風送江湖滿洞

天洞門可聽入無緣土囊鬱怒聲初散石齒聲牙

勢未前樂奏洞庭真跌宕然○張天覺云嶺頭

隱几觀遺韻重使顏成問嗒然○張天覺云嶺頭

松竹自生寒兩穴茫茫徹鬼關風竊虎威時弄草

泉欺龍睡故離山不嫌浙瀝驚塵耳聊挹清冷洗

病顏臆外月高湘簟冷更無間夢到人間○司馬

樵云藤梢蔓荒寒蘇花陰空青窈窕石實中兩耳

風雨并初聞聲蕭騷活火急銅餅再聽逗餘響萬

羽起寒汀我疑此山空石腳連滄溟中有蛟龍蟄

鼻息隱雷霆又疑仙翁去丹竈留岩局至今鑪鼎

中水火爭不停山前老比丘眉眼如螢能傳古

老語濯耳我所醒便欲慰塵凡脫我隨爽靈○元

居碧桃春二洞標奇古連岩葺宇新涼生清桂曉暖

琢句寫霜筠譚劇頻飛屑歌常旋落塵為探瓊屐

勝不記玉鵬巡下客慚長穎高筵飲德醇追峯到

雲遠俗塵山中曾未識朱輪自從白傅來游後三

百年閒又一人○張先和云水色風光近使君  
塵輕雨逐車輪暫來不宿宜無恨多少行春不到  
人○許遵云水洞連風洞精藍兩洞前山高易藏  
日樹老不知年板有華宗什名留少傅篇煙波門  
外境寂寞變桑田○范文正公云神仙一去幾千  
年自遣秦人不得還春盡桃花無處覓空餘流水  
到人間○許元祐云野寺依山立松橋避石斜壤  
梁飛白蟻枯木掛玄蛇道路悲蓬轉功名惜鬢華  
聊將洞中水  
試洗眼前花

靈化洞

在郊臺天真院山頂深百餘步直下闊十餘丈有  
蘇林二公題名刻于石

登雲洞

在郊臺天真院山內錢氏武肅王嘗置登雲臺義

淳祐臨安志卷九

取於此

鐵窗櫺洞

在赤山殿司左軍寨內尼庵之側洞口高數尺舊  
有蛟龍出入人畏焉鑄鐵窗櫺嵌于石槽以拒之  
水自窗櫺中出六月如冰過慧因寺前折入西湖  
大旱不竭秦太虛題名記濯足于慧因澗是也

呼猿洞 詳見武林山

巖石室龍泓洞 詳見武林山

水樂洞

在煙霞嶺下洞常有水聲如擊金石故以名之舊

屬僧舍今爲慈明皇太后宅圃

王大受游洞詩云  
應聘空寒六六天

更來洗耳聽春泉  
迅湍激石浮清磬  
懸溜行沙寫素弦  
洞口林亭三四曲  
洞中日月幾千年  
何人獨得開收律譜  
入宮商與世傳  
○姜夔次韻王祕書  
游水樂洞詩云  
自是瀛洲客  
還因野趣來  
解衣吟寂寞  
攜酒上崔嵬  
石洞山山秀  
樞花樹樹開  
只應岩下水  
相送上船回

### 石屋洞

在煙霞石塢南山大仁院有石洞極高狀似屋周

迴鑄羅漢總五百十六身中間鑿釋迦佛諸菩薩

像直下入洞極底有泉

詳見大仁院

### 煙霞洞

祥符經云去錢塘縣舊治之西一十六里晉開運

### 淳祐臨安志卷九

其

元年有僧彌洪結庵洞口遇一神人指此山後有  
聖跡何不顯之洪尋至山後乃見一洞內有石刻  
羅漢六尊洪既亡吳越王錢氏忽夢僧告云吾有  
兄弟一十八人今方有六王可聚之夢覺訪得烟  
霞洞有六羅漢遂別刻一十二尊以符所夢其洞  
極大乃諸洞之首在烏塢內

洞旁有岩曰佛手岩  
象鼻岩詳具清修寺

### 蝙蝠洞

在錢塘縣煙霞石屋洞後內多蝙蝠因以名之故  
老傳云洞極深廣無泉建炎間因兵火時里人避  
難于中容數百人因而獲免今在尼庵民屋後



龍洞

在臨平山祥符經云自洞門至水際五丈闊一丈五尺高一丈三尺其水深不可測禱祈多有靈驗

細礪洞

在臨平山祥符經云深十餘丈闊二丈五尺高一

丈五尺輿地志云臨平山有洞數丈出礪石

沈金部汝

諧詩云巉巖古洞鬼神剗六月無冰氣自寒恐是仙人鍊丹窟不然疑有老龍蟠

香林洞

下天竺巖下石洞深窈可通往來名曰香林洞慈雲法師有詩天竺出草茶因號香林茶其洞與香

淳祐臨安志卷九

七

桂林相近

楊蟠詩云百年樵斧外留得掛寒猿不奈西溪水流香出洞門○郭祥正詩云

出香來近遠此洞接蟾宮欲借飛翰去聊乘桂子風

大雄山白龍洞

在錢塘縣崇化鄉大雄山故老傳云有白龍藏于洞嘉定八年府尹趙公時侃以亢旱禱于龍祠感應雨隨至奏于朝封顯靈孚濟侯賜廟額曰敏應

護國仁王院洞

在錢塘門外掃帚塢山有水洞流泉雖旱不竭舊為內侍黃氏園淳祐中僧慧開鬻地建寺于洞下丁未亢旱丞相鄭公府尹趙公常躬禱于洞口感

應

海雲洞

在仁和縣永和鄉超山上有乾濕二洞黑龍王祠  
嘉定八年禱雨感應賜額曰通靈之祠先封慧應  
侯繼封宣濟侯淳祐七年亢旱禱雨感應加封昭  
慧龍祠係圓滿院掌管香火

雲洞

在錢塘門外古柳林楊和王園內因其坡陀擁土為之可奪天巧矣

虎頭巖

在錢塘門外介于寶嚴定業寺後山葛澧錢塘帝

淳祐臨安志卷九

六

都賦云峯曰卓筆巖則虎頭

故老傳云此山舊有岩石突出如虎頭吳

越王納土後望氣者云杭州西湖山有虎頭山形勝命鑿之故名

諸石

落星石

在錢塘門外巨石山南嶺謂之青山頂有二圓石  
湖中望之若星墜焉圖經云古塔山北有二石相  
對舊傳為落星石

石龍

在嘉會門外龍華山後下石龍淨勝院山內有石  
突出宛似龍首故名又有上石龍永壽院

排衙石

詳具鳳凰山

石術

詳具鳳凰山

新婦石

祥符經云在錢塘縣東南

羅刹石

詳具秦望山

王子高石

在北郭稅務側今不存

雲根石

上有天亭記

秦王纜船石

淳祐臨安志卷九

九

在錢塘門外昔秦始皇東游泛海艤舟于此陸羽  
武林山記云自錢塘門至秦王纜船石俗呼西石  
頭北關僧思淨刻大石佛于此舊傳西湖本通海  
東至沙河塘向南一岸皆大江也故始皇纜舟于  
此

靈固石

在方家峪水月寺慈雲嶺兩路口道堂後路口有  
廟

靈石

在放馬場側按祥符經有靈石在崇因報德院山

內舊嘗有祥光現又按古蹟事實有靈石山在南  
山棲真院之上晉開運二年建院號興福山水環  
列松竹扶疎有靈石西庵大觀三年九月左丞薛  
公昂奏乞靈石爲功德院改崇因報德禪院院之  
右半山閒有庵泉石尤美皆以靈名

### 石屏風

在保叔塔崇壽院山內

### 臥龍山

在石門澗中或云在下天竺寺內草堂前

慈雲法師詩云

梅有和羹實龍無爲雨心以其臥龍石產梅也○楊蟠詩云歲旱須神物皆疑石有名臥龍今不起

### 淳祐臨安志卷九

三

長負澤邊情○郭祥正詩云龍臥蒼山下豈知今古春不憂雷雨作頭角本非真

### 石橋

在武林山中路近翻經臺陸羽寺記云次青壁檻

次渦渚東嶼李襄陽題峽山寺又有天竺石橋無

泉之語宋之問靈隱詩云待入天台路看子度石

橋皆謂是也

楊蟠詩云突兀臨飛鳥溪僧慣往來雲山多樂趣且入小天台○郭祥正

詩云橋下無懸瀑橋邊少綠苔跨空纜一文何處特飛來

### 石魚

### 石筍

在仁和縣超山古蹟有石魚石筍錢塘無垢院亦

有石筍

諸塢

東西馬塍

在餘杭門外羊角埂之間土細宜花卉園人多工於種接為都城之冠或云是錢王舊城非塍也今北關門古之餘杭門外城也元自有北關門今有夾城巷乃古基也地與馬城相接

羊角埂

在錢塘門外溜水橋之北自柴場至乳臺渡口延袤十餘里介于東西馬塍之間形彎曲如羊角然

淳祐臨安志卷九

三

鮑家田

在錢塘門外東山術之北有玉泉水灌溉吳越相鮑君福賜田於錢塘至今名焉

掃帚塢

在錢塘門外黃山橋路通鮑家田東山術九里松

楊梅塢

古蹟事實在南山近瑞峯石塢內有一老嫗姓金其家楊梅甚盛俗稱楊梅塢所謂金婆楊梅是也

楊蟠詩云夏日紅相照天晴塢自開襄陽多稚子摘贈故人來○郭祥正詩云紅實綴青枝爛熳照前塢不及杏繁時林間有仙虎

錦塢

在錢塘門外上智果院前寶雲庵下此地花卉舊盛故以名之

葛塢

在靈隱山吳方士葛元字孝先居焉東晉大著作

葛洪字稚川亦隱於此

楊蟠詩云此塢反無色何年朝太真曉耕雲下路猶

恐是仙民○郭祥正詩云二葛既成仙猶存鍊丹處有時化鶴來徘徊不知去

楓本塢

楓木塢在中下竺之間

今為吳榮王墳昔多楓木故有是名○楊蟠詩云太

平雲外客行採老山中莫歎秋霜早君看世上楓○郭祥正詩云一塢藏深林楓葉翻蜀錦寄語別

淳祐臨安志卷九

三

人家路遙霜露凜

水竹塢

在九里松行春橋南舊有水竹之勝今為步司軍

寨

青枝塢

在九里松石板巷玉泉後山

靈石塢

在楊梅塢後山

眞珠塢

在石姥山嶺之西北

石人塢

在靈隱寺西石人嶺下路通靈隱

龍駒塢

在錢塘縣西溪中有秀邸墳

法華塢

在錢塘縣西溪中有嶽祠

木塢

在錢塘縣西溪中有沈侍郎墳

峪

方家峪

淳祐臨安志卷九

三

在錢湖門外路通慈雲嶺梯子嶺有劉娘子寺陳

淑妃寺

冷水峪

在嘉會門外御馬院側

夾山多桃花中有流水花開獨盛遊人多集于此爲

城南之勝槩舊呼桃源

毛湫峪

在龍山之南六和塔之北

術

石術

在殿司山上

詳具鳳凰山

東山術

在耿家步之北內有仙姑山

唐家術

在九里松慕容妃墓之西

馬家術

在九里松步司前軍寨後

關

桃花關

在嘉會門外包家山多桃花有關門故以是名關  
門上舊有蒸霞二字

淳祐臨安志卷九

雷

劔門關

在錢塘門外栖霞嶺上舊曰劔門關亦名劔門嶺

西關

在錢塘門外雷峯塔下古有門關吳越王時門西  
曰西關門北曰北關土人猶以舊名呼之

北關

在餘杭門外米市橋石牌頭之北古有門關東西  
街人家門首尚有古青石樞相對里人至今呼古  
門頭

臨安志卷第九